



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 414
e – mail: info@voda.ba

Broj: **UP-1/21-2-40-381-2/23**

Datum: **12.10.2023. god.**

«Agencija za vodno područje rijeke Save» Sarajevo rješavajući po zahtjevu pravnog lica – investitora „MISS.NET” d.o.o. Bihać podnesenom za izdavanje vodne saglasnosti za izgradnju kablovske optičke infrastrukture preko mosta Vrkašić i u vodnom dobru rijeke Une, u naselju Kamenica grad Bihać, na osnovu člana 114. a u vezi sa članom 109. stav (1) tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), **donosi**

RJEŠENJE **o vodnoj saglasnosti**

1. Investitoru, „MISS.NET” d.o.o. Bihać, daje se vodna saglasnost na projektnu dokumentaciju pod nazivom: Glavni projekat: «Polaganja trase optičkog kablovskog voda preko postojećeg mosta Vrkašić na rijeci Uni» u naselju Kamenica, grad Bihać, urađen od strane „TQM” d.o.o. Lukavac, maja 2023. godine, na parceli označenoj kao K.Č. 3510 K.O. Kralje, grad Bihać.
2. Vodna saglasnost se donosi na osnovu utvrđenog činjeničnog stanja, pregleda projektne dokumentacije iz tačke 1. dispozitiva ovog Rješenja i čini sastavni dio ovog Rješenja, a ista će se koristiti u postupku pribavljanja odobrenja za građenje.
3. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr..
4. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog Rješenja.
5. Vodna saglasnost se donosi na temelju dostavljene projektne dokumentacije, utvrđenog činjeničnog stanja i pod sljedećim uslovima:
 - 5.1. Izvođenje radova vršiti u skladu sa ovjerenom projektnom dokumentacijom iz tačke 1. ovog Rješenja, tj. na način utvrđen u opisu tehničkog rješenja i tehničkih uslova izvođenja iz navedene projektne dokumentacije.
 - 5.2. Tehnologiju izvođenja radova u obalnom pojasu vodotoka prilagoditi uslovima na terenu uz odgovarajuća osiguranja ljudi i materijalnih dobara.
 - 5.3. Da se tokom izvođenja radova provedu sve potrebne mjere zaštite kako ne bi došlo do erozionih procesa u koritu i obalnom području vodotoka ili do pogoršanja kvaliteta vode.
 - 5.4. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 5.5. U toku radova, iskopani materijal i otpad se ne smiju ni privremeno odlagati na zemljišnu česticu vodno dobro, odnosno unositi u vodotok i na njegove obale.
 - 5.6. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 5.7. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim (erozija obala i korita vodotoka, pogoršanje kvaliteta vode i dr).
 - 5.8. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom.
 - 5.9. Nakon završetka radova neophodno je radni pojas koji uključuje korito, inundacioni pojas i obalu urediti i očistiti od gradilišnih objekata, mehanizacije i gradilišnog otpada.

- 5.10. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi obuhvaćeni ovom fazom izgradnje trase optičkog kablovskog voda iznad vodotoka rijeke Une, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
6. Ukoliko se izvođenjem radova na izgradnji trase optičkog kabla na predmetnom potezu ili drugim aktivnostima vezanim za predmetne radove prouzrokuju štete i naruši stabilnost korita, postojećih objekata i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi.
7. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
8. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
9. Vodna saglasnost prestaje da važi istekom roka od (2) dvije godine od dana njene pravosnažnosti ukoliko do tog dana nije pribavljeno odobrenje za građenje od strane nadležnog organa.
10. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Investitor, "MISS.NET" d.o.o. Bihać, je podnio zahtjev dana 05.09.2023. godine za izdavanje vodne saglasnosti za izgradnju optičkog kablovskog voda preko postojećeg mosta i kroz vodno dobro rijeke Une, grad Bihać, dužine 135,88 m, po projektnoj dokumentaciji navedenoj uz zahtjev; Glavni projekat: «Polaganja trase optičkog kablovskog voda preko postojećeg mosta Vrkašić na rijeci Uni» u naselju Kamenica, grad Bihać, urađen od strane „TQM“ d.o.o. Lukavac, maja 2023. godine.

Uz zahtjev za izdavanje vodne saglasnosti dostavljena je slijedeća dokumentacija:

A. Opća dokumentacija

- Aktuelni izvod iz sudskog registra pravnog lica „Miss.Net“ d.o.o. Bihać, izdat od strane Općinskog suda u Bihaću pod matičnim brojem: 1-5057-00, dana 20.06.2023. godine;
- Rješenje o prethodnoj vodnoj saglasnosti broj UP-1/21-1-40-501-8/22 od 12.04.2023. godine, izdato od strane «Agencije za vodno područje rijeke Save» Sarajevo,
- Rješenje kojim se daje Urbanistička saglasnost pravnom licu „Miss.Net“ d.o.o. Bihać za izgradnju mreže cijevne kanalizacije za potrebe svjetlovodnog puta, na zemljištu označenom kao k.č. broj: 3510 K.O. Kralje u Bihaću, izdato pod brojem: 03/1-19-1-884/22 od 24.08.2023. godine, od strane Službe za urbanističko planiranje, građenje i imovinsko-pravne i geodetske poslove Grada Bihaća,
- Kopija situacije terena broj: 03/1-19-1-884/22 od 24.08.2023. godine,
- Uvjerenje o registraciji poreznog obveznika izdato od Porezne uprave Federacije BiH – Kantonalni porezni ured Bihać, dana 29.10.2018. godine, ovjerena kopija,
- Uvjerenje o registraciji u Jedinstveni registar obveznika indirektnih poreza izdato od strane Uprave za indirektno-neizravno oporezivanje Banja Luka pod brojem 04/1-17-1-UPJR/1-16072-2/18 od 29.01.2019. godine, ovjerena kopija,
- Kopija uplatnice upravne pristojbe,
- Dozvola za obavljanje djelatnosti operatora javnih elektronskih komunikacijskih mreža broj 50/13, izdata od strane Regulatorne agencije za komunikacije BiH, pod brojem UP1:02-07-43/13 dana 01.04.2013. godine u Sarajevu,

B. Tehnička dokumentacija

- Glavni projekat "Polaganja trase optičkog kablovskog voda preko postojećeg mosta Vrkašić na rijeci Uni» u naselju Kamenica, grad Bihać, urađen od strane „TQM“ d.o.o. Lukavac, maja 2023. godine, na parceli označenoj kao K.Č. 3510 K.O. Kralje grad Bihać, dostavljena na uvid i ovjeru, (3 primjerka),
- Revizija Glavnog projekta "Polaganja trase optičkog kablovskog voda preko postojećeg mosta Vrkašić na rijeci Uni» u naselju Kamenica, grad Bihać, urađen od strane „TQM“ d.o.o. Lukavac, maja 2023. godine u Bihaću, na uvid, (3 primjerka).

- U provedenom dokaznom postupku koji je prethodio donošenju ovog rješenja utvrđeno je:
- Investitor je za potrebe izrade projektne dokumentacije za polaganje trase optičkog kablovskog voda preko mosta Vrkašić i kroz vodno dobro rijeke Une angažirao ovlaštena pravna lica, „TQM“ d.o.o. Lukavac i „Euroing“ d.o.o. Bihać koji su izradili i revidovali tehničku dokumentaciju prethodno navedeno u tački 1. rješenja,
 - Ovlaštenja za izradu projektne dokumentacije prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12).
 - Da je od strane ove Agencije, rješenjem broj: UP-1/21-1-40-501-8/22 od 12.04.2023. godine, izdata prethodna voda saglasnost u kojoj su propisani uslovi koje je projektant prilikom izrade projektne dokumentacije uvažio i u istoj priložio opise i nacрте uobičajene za ovaj nivo projektne dokumentacije.

Na osnovu priložene tehničke dokumentacije utvrđeno je da se u svrhu poboljšanja i razvoja savremenih načina komunikacije, na osnovu člana 109. stav (1) tačka 10., a u vezi sa članom 114. „Zakona o vodama“ valjalo rješiti kao u dispozitivu ovog rješenja.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Obradivač akta:

Fuad Mujagić, dipl.inž.

Prilog: Tehnička dokumentacija navedena pod tačkom B. obrazloženja Rješenja.

za
**Po ovlaštenju
Rukovodilac sektora za izdavanje
vodnih akata**

[Signature]
Haris Ališehović, dipl.inž.građ.

Dostaviti:

- „MISS.NET“ d.o.o. Bihać, Sarajevska 24. 77000 Bihać (Prilog)
- ISV-vodna knjiga – ovdje;
- ☉ Arhiva – ovdje;
- AVP Sava – Oglasna ploča

